

DIE XV. MAIJ.

19

IN FESTO

S. EUPHRASIJ,

EPISC. ET MART.

DIOECESIS GIENNENSIS PATRONI.

Pro omnibus Hispaniæ Dicecesibus dup. min.

*Omnia de Com. Mart.  
temp. Pasch. Lect. 1. Noct.  
de Script. occur. Orat. In-*

*firmitatem, &c.  
IN DIOECESI GIEN-*  
*nensi dup. 1. clas.  
cum Oct.*

*Omnia de Com. Mart.  
temp. Paschali cum eadem  
Oratione.*

*Extra temp. Paschale  
Lect. 1. Noct. A Mileto  
Paulus, ut in Com.*

*unius M.  
IN II. NOCTURNO.*

*Lectio iv.*

*Ex Scripturis S. Grego-*  
*rij VII. & ex S. Eulogio*  
*in Apologetico Mar-*  
*tyrum.*

**E**uphrasius Apostolo-  
rum Discipulus, cū  
Torquato, Ctesiphonte,  
Secundo, Indaletio, Ca-  
cilio, & Hefychio, Ro-

mæ à sanctissimis Petro,  
& Paulo, Episcopus or-  
dinatus in Hispanias, ad  
prædicandum verbum  
Dei, unà cum illis ab  
iisdem Apostolis directus  
est. Hic ergo, & Socij,  
cum variis Urbibus, de-  
structa Idolatria, Chri-  
stianitatem fundassent, &  
Religionem plantassent,  
ordinem, & Officium in  
Divinis Cultibus osten-  
dissent, & sanguine suo  
Ecclesias dedicassent: ea  
in Provincia diversis in  
locis quieverunt, è qui-  
bus Euphrasius Illirugi  
Martyrij palmam conse-  
cutus esse dicitur. Ejus  
corpus piè reconditum  
est in loco, ubi Basilica  
ejus nomine Sisebuti, His-  
paniarum Regis tempore  
extracta est, cujus Basi-  
licæ,

**I**lica, cum Saracenis Hispanias occupantibus, nulla remansissent vestigia: Dei tandem voluntate factum est: ut recens anno Domini millesimo quingentesimo septuagesimo tertio extrui capta sit. In quam anno millesimo quingentesimo nonagesimo septimo, mense Maio, corporis pars, è Parochiali Ecclesia Oppidi, cui Valdemao nomen, translata, restituta est. Ubi religiosa veneratione, summaque celebritate, & maximo populorum concursu colitur.

**R.** Lux perpetua lucebit Sanctis tuis Domine. Et æternitas temporum, alleluia, alleluia.

**V.** Lætitia sempiterna erit super capita eorum: gaudium, & exultationem obtinebunt. Et æternitas.

*Lectio v.*

Sermo Sancti Joannis Chrysofomi.

In Orat. de Sancto Ignatio, ante med. tom. 5.

**T**empus animadvertite fratres, quò digni-

tatem hanc Beatus Euphrasius est affecutus, neque enim eadem est nunc, quæ tunc erat Ecclesiam gubernandi conditio. Nò æqualis est labor. Viã trita, & planè paratam, post multos ingredi viatores, atque eam, quæ nunc primo secunda est, quæq; prærupta, & saxosa, ferisque plena, nec ullum adhuc viatorem, admisit. Hoc quidem tempore, per gratiam Dei, nullum Episcopis periculum imminet: sed pax undique profunda: & tranquillitate cuncti perfuimur. Cù pietatis verbum, orbis terrarum terminos occuparit, & qui regna, atq; imperium obtinent, eandem, quam nos fidem studiose colant, atque observent: tunc autem nihil erat hujusmodi, sed quocumque quis oculos verteret, ubique præcipitia, barathra, & bella, & pugnas, & pericula. Imperatores, & Reges, & Populi, & Civitates, & gentes, & domestici, & alieni

cre.

credentibus infidias ten-  
debant.

R. In servis suis, allel.

\* Consolabitur Deus,  
alleluia.

ψ. Judicabit Dominus  
populum suum, & in ser-  
vis suis. Consolabitur  
Deus, alleluja.

*Lectio vi.*

**N**Eque vero id solum  
erat grave ; sed  
etiam quod credentium  
plerique, utpotè, tunc  
primum nova dogmata  
degustantes, magna ege-  
bant solitudine ; &  
erat imbecilliores, & sæ-  
pè supplantabantur. Quod  
quidem non minus affli-  
gebat Doctores, quàm  
externa bella. Quin etiam  
multo magis. Externæ  
enim pugnae, atque insi-  
diæ propter repositæ mer-  
cedis spem, voluptatem  
etiam aliquam asser-  
bant. Idcirco, & Aposto-  
li gaudentes, à conspec-

tu concilij discedebant  
quod verbera pertulif-  
sent. Itaque Paulus etiam  
clamat : Gaudeo, in-  
quiens, in infirmitatibus  
meis. Et semper in tribu-  
lationibus gloriatur.

R. Filiae Jerusalem  
venite, & videte Marty-  
res cum coronis, quibus  
coronavit eos Dominus.

\* In die solemnitate, &  
lætitiæ, alleluja.

ψ. Quoniam confor-  
tavit seras portarum tua-  
rum, benedixit filios tuos  
in te. In die solemnitate.  
Gloria Patri. In die so-  
lemnitate, &c.

**IN III. NOCTURNO.**

*Tempore Paschali Homi-  
lia S. Augustini Episcopi in  
Evangel. Ego sum Vitis  
vera. Mis. Protexisti.*

*Extra tempus Pasch.  
Officium de Communi unius  
Mart. Homi. & Mis. de  
primo loco.*

# HISPANIARUM.

**C**UM SS. D. N. Benedicto Papa XIV. demissè supplicaverint Reverendissimus Episcopus, & Capitulum Cathedralis Ecclesie Giennensis, necnon universa Civitas, & Populus Illiturgitanus, ut Officium S. Euphrasij Mart. & Episcopi Illiturgitani ab Apostolica Sede approbatum, & die decimaquinta Maij recitari solitum ab utroque Clero Civitatis, & Diocesis Giennens. ad reliquas Dioceses, in Hispaniarum Regnis constitutas, prædicta die sub Ritu duplicis minoris recitandum extendere dignaretur; & extensionem prædictam per suas litteras ad eundem Sanctissimum, & ad Sac. Rit. Cong. respectivè datas enixè efflagitaverint omnes, & singuli Hispaniarum Archiepiscopi, & Episcopi; ipsaque Sanctitas suas preces huiusmodi ad Sac. Rit. Cong. remisserit; & Emmin. ac Rever. D. Card. Sancti Casarei in Ponentem designatus easdem in eadem Sac. Cong. retulerit; Sac. Cong. auditoprius R. P. D. Benedicto Veterani Fidei Promotore, qui scripto, & voce suam sententiam exposuit, petita extensioni annuendum censuit, ea tamen adhibita conditione, ut in iis Ecclesiis, in quibus annuatim Collectiva fit celebritas, & Officium omnium septem Discipulorum S. Petri Apostoli nulla tunc fiat mentio de Sancto Euphrasio, pro quo speciale festum cum Officio indulgetur. Die 26. Martij 1757.

Loco ✠ Sigilli.

D. F. Card. Tamburinus,  
Præfectus.

M. Marefiscus,

S. R. C. Secretarius.